



# ARNasetik

II. BIDEOSORMEN LEHIAKETA

Zuk, guk... gurea egin!



10-16 urte  
dituzue?



arnasagara.eus  
arnasagara@gmail.com



ARNAsa  
GARA

## OINARRIAK

Arnasetik bideo sormen lehiaketa da, euskararen arnaguneak osatzen dituzten udalerrietako gazteei zuzendua (LH-5etik DBH-4ra). Eusko Jurlaritzak, Nafarroako Gobernuak eta UEMAK sustatutako ekimena da, eta udalerrri euskaldunetako gazteen hizkuntza ohituren inguruan gogoeta piztu nahi du. Gaur egungo gazteen komunikazio-hizkuntzara eta teknologia berrietara egokitutako lehiaketa da, eta teknika, tratamendu, genero, sorkuntza prozesu eta gai desberdinak landuko dira. Hala, euskaraz ekoiztutako ikus-entzunezko piezen eta sormen lanen erakusleio bihurtuko da Arnasetik.

Gazteen etorkizunerako begirada sortzaileak pizteko asmoarekin, lehiaketan modu ezberdinetan parte-hartzeko aukera egongo da eta kategoria ezberdinetako sariak egongo dira. Horrek esan nahi du banaka, talde lanean edo-eta eskolartekoan jorratu daitezkeela lanak.

### 1. Lehiaketaren helburuak:

Helburu nagusia da arnaguneetako herritarrak ahalduntzea eta arnaguneen garrantzia ikusaraztea, bai eta komunitatea indartzea ere (arnaguneen arteko loturak).

### 2. Sustatzaileak:

Eusko Jurlaritzak, Nafarroako Gobernua eta UEMA.

### 3. Epaimahaia:

Programa sustatu, dinamizatu eta laguntzen diharduten erakundeetako ordezkariak osatuko dute. Ikuslearen sarirako epaimahaia sareko erabiltzaileek osatuko dute.

### 4. Parte-hartzea:

- Arnaguneetako 10-16 urte bitarteko edozein sortzailek har dezake parte Arnasetik programan, aurrez aipaturiko formatu ezberdinetan (modu partikularrean, taldeka edo ikastetxearekin).
- Parte-hartzaileek aurrez adierazitako prozesuan parte-hartu eta lehiaketarako epeak eta irizpideak bete beharko dituzte.

### 5. Kategoriak:

Adinaren arabera sailkatutako hiru kategoria daude eta kategoria bakoitzak aurkeztu beharreko lanak ezberdinak izango dira.

- **A kategoria:** LH 5-6
- **B kategoria:** DBH 1-2
- **C kategoria:** : DBH 3-4

### 6. Lanen irizpideak:

- Oinarria:
  - A kategoria: Azaldu formatu librean (marrazki, olerki, bertso, bideo, abesti...) zuen herria nolako den, zer egin daitekeen bertan eta, garrantzitsuena, zergatik den egokia euskara maila hobetzeko.
  - B kategoria: Zuen herriko esamolde berezienak eta beraien esanahia azaldu umorezko bideo batean.
  - C kategoria: Nahia Silleroren bideoa ikusita bideo bat sortu modu originalean euskal kultura, musika eta ekimenak balioan jarriz. Zein plan egingo zenukete?
- Hizkuntza: Euskara izango da lehiaketara aurkezten diren lanetan erabiliko den hizkuntza, bideo-istorioen elkarrizketak edo off ahotsa erabiltzen badira.
- Iraupena: ikus-entzunezko lanek gehienez 2 minutu iraungo dute.

- Formatua: Bideoa formatu horizontalean edo bertikalean grabatu daiteke. Edizioa eta post-produkzioa ere nahi diren programekin egin daitezke.
- Gai tratamendua: Ez dira onartuko arraza, sinesmen, etnia, adin, erlijio, sexu, genero identitate, sexu orientazio, itxura fisiko edo pertsonen gaitasunak iraintzen, gutxiesten edo jasartzen dituzten lanak. Hala ere, antolatzaileek ez dituzte bere egiten bideo-istorioetan egiten diren adierazpenak, erabilitako irudiak edota isuritako iritziak, beraz, ez dute horien gaineko inolako erantzukizunik.

### 7. Izen-ematea:

- Lehiaketa [www.arnasagara.eus](http://www.arnasagara.eus) atarian zentralizatuko da. Bertan, informazioa, material eta baliabideak, izen-ematerako eta jarraipenerako bideak, etab. eskainiko dira. Parte-hartzaileek bertan izen-emango dute eta beraien datu eta lanen erabilerarako baimena emango dute.
- Jasotako sormen istorio guztiak (parte-hartze irizpideak pasa dituztenak) *online* aurkeztuko dira.
  - Lanen aurkezpenarako jarraitu beharreko pausuak hurrengoak izango dira:
    - <https://www.arnasagara.eus/arnasetik-bideosormen-lehiaketa/> webgunean “parte hartu” galdetegia bete, bertan eskatuko zaizkion atal guztiak betez.
    - Izena-ematerakoan pribatutasun eta erabilera abisuak onartuko dira.
    - Lanak Wetransfer ala antzeko Interneteko bidalketa tresna bitartez helarazi beharko dira hurrengo helbidera, adierazitako epean: [arnasagara@gmail.com](mailto:arnasagara@gmail.com). Mezuan zehaztu beharko dira:



# ARNasetik

II. BIDEOSORMEN LEHIAKETA

Zuk, guk... gurea egin!



10-16 urte  
dituzue?



arnasagara.eus  
arnasagara@gmail.com



ARNAsa  
GARA

## OINARRIAK

- 1. Lanaren izenburua.
  - 2. Norbanako ala taldeko parte-hartzaileen izen-abizenak.
  - 3. Kontakturako telefono zenbaki bat.
- Artxiboek 2GB baino gutxiagoko tamaina izan beharko dute.

### 8. Epeak:

Arnasetik lehiaketak ondorengo epeak izango ditu eta parte-hartzaileak horietara mugatu beharko dira:

- Arnasetik lanak aurkezteko azken epea: urriaren 1etik 24ra.
- Sari banaketa ekitaldia: azaroak 22, Zarauzko Modelo aretoan.

**9. Hedapena:** Antolakuntzaren esku gelditzen dira lehiaketara aurkeztutako lanen erabilera eskubideak. Betiere, lan horien hedapena egingo da lehiaketaren asmoa beteko duten ekimen eta eginkizunetan.

### 10. Epaimahaia: lanak baloratzeko neurriak eta irizpideak

- Egileak haien lanen eskubideen jabe izanda, Arnasetik lehiaketa irabazleen bideoak proiektatzeko eta bere plataformetan partekatzeko baimena izango du, programak egiten dituen edozein sustapen ekitalditan.
- Epaimahaiak honela antolatuko dira lanak baloratzeko: antolakuntza batzordeko ordezkariak eta erakunde laguntzaileetako ordezkariak (ikastetxe, ikus-entzunezko ekoizpen etxe etb..).
- Epaimahaiak horrela erabakiz gero, sariak hutsik geratuko dira.
- Epaimahaiak aurkeztutako lanen artean aipamen berezia egiteko ahalmena dauka. Horrek ez du ordainsaririk izango baina bai merezitako onarpena.

- Sariak jaialdiaren amaierako ekitaldian jakinarazi eta banatuko dira. Irabazleak edo haren ordezkariak amaiera ekitaldian parte hartuko du. Hau da, sariak eskuratu ahal izateko beharrezkoa izango sari banaketa ekitaldian parte hartzea.
- Lanak baloratzeko erabiliko diren irizpideak ondorengoak dira:
  - Adierazitako irizpideen betegarritasuna.
  - Hizkuntzaren erabilera.
  - Sormena.
  - Gaiarekin bat egitea.
  - Gidoigintza.

### 11. Sari nagusiak:

2.000 euro egongo dira 4 kategorietan banatuta. Kategoria bakoitzak 500 euroko sari baliokidea izango du.

- LH 5-6 kategoriako lanik onena (500 euroko sari baliokidea).
- DBH 1-2 kategoriako lanik onena (500 euroko sari baliokidea).
- DBH 3-4 kategoriako lanik onena (500 euroko sari baliokidea).
- Publikoaren saria (500 euroko sari baliokidea).

500 euroko sari baliokide bakoitza IrisarriLand-en, Durangoko Azokan edo EITB-ko Goazen! eta Irabazi arte! telesailen merchandising-ean trukatu ahal izango da.

### 12. Oinarriak onartzea:

Lehiaketan parte hartzeak oinarri guztiak onartzea dakar.

- Lanak aurkeztu beharko dira Creative Commons lizentziapean.
- Musika erabiltzekotan, ahal bada, lizentzia librekoa edo bideoarentzat propio sortutakoa izatea komeni da.
- Bideoetan adin txikikoak agertzen badira, egileak baimena bermatu beharko du ( adin txikikoek guraso edo tutoreen baimen sinatua aurkeztuta).